



Vertical text in a white rectangular box on the left side of the page, likely a title or a list of contents. The text is too faint to be legible.

政略卷五

三韓趙廷臣君隣氏著

成造漕艘衆擎易舉詳

竊照屯丁快丁運丁三者皆盡力於王差獨運苦爲甚夫領運勢必需甲甲缺勢必僉造非僉甲之難造船之難也僉一甲造一船先令本甲名下備理料銀五十一兩無論貧者力不能措卽富者力亦不能倏完况五十一兩裏料之外猶有木匠工價鑽夫食米是僉一甲造一船除應領官銀二百三十二兩二

錢仍加賠一百四五十金不止是以人人視爲畏途
一當僉報如蹈湯火哭聲徹天怨言載道每追一甲
裏料經年累月不能交完且衛軍至今日而窮極矣
典田土賣房器骨盡髓竭大半饑寒待斃之徒拋家
園棄妻子避苦求贍率多改業就食之流數年來加
以不肖貪弁積年衛識借僉甲爲奇貨指張報李喪
心剗富家之肉瞞官嚼窮軍之髓是衛中之貧者至
今日而皆亡矣衛中之富者至今日而皆貧矣正此
五十一兩裏料有傾家蕩產不能完者有典妻賣子

不能完者甚則苦於刑杖之追比有縲首喪軀寧死
不能完者况所費不止五十一兩裏料也是以今年
僉趙甲而趙甲力疲不能成造或逃或亡迨至來年
勢必又僉錢乙矣至錢乙亦復如是年年僉選年年
受累且年年缺額年年僱募旣遺累於窮軍復無益
於公家將謂職清軍者賣富差貧不僉殷甲乎則清
軍官不生長於各衛之家不近居於各衛之地孰富
孰貧豈能外熟諳之衛識牢不可破之弊甘受嚴法
決不從實報者是清軍官之三尺可以刑奸識之肢

正明 卷五 二
體不能以刑奸識之肺腑言及至此術窮而法亦窮矣兼以疊累積疲之軍衛衛如是無不畏此僉造之難夫僉一窮人無計辦料惟苦苦一死完局僉一稍富之人慮及後累又嘵嘵告脫不休公私兩絀官軍交困終非久安長計之善策也今逢憲臺極力整漕若不設一濟公便私之法為救漕急酌為善漕永圖則缺船終不得完窮軍終不得寧也卑職職任清軍頗知獨力僉造之難衆擎易舉之便合無請乞憲裁通行各衛掌印官將各衛運戶並竄入各屯快者盡

行查出逐一備造清冊不許隱漏一戶一名仍查本衛缺船若干每日比照黃快丁例定以每丁納銀若干彙交本衛守備凡本衛缺船若干卽動此項銀兩作為裏料作為木鑽等匠工食迨至缺船造完仍以每年所收合衛通幫丁銀量給修船隻餘銀彙解藩司貯為十年輪造之用是蓋運戶歡心願出較之黃快丁之輸納猶易易也如有船則甲可不僉而願來領運求以樂水脚而圖便益者不知幾許如是甲既不僉則奸識無復再以僉甲騙人矣貪弁無復

再以僉甲害人矣不特此也有一船卽有一甲運官包攬無自而入則中途盜賣之弊自此不禁而絕矣此卑職目擊時艱謹以一得之愚冒昧上瀆伏乞電察苦樂洞鑒利弊果有益於國而無損於衆平恕而行未有不上下兩得者也如謂運丁從無此例不便輕比快丁輸納誠思僉一甲則累一家均係朝廷赤子夫何不忍於衆人之均輕而偏忍於一人之獨重乎

廣詢利病以安民生詳

竊照本道蒞任長沙蚊負二載軍需民情在在繁難以一隅巖瘠之疆當滿漢兵戎之會敢惜心血以辭拮据第其間短綆之所未周指臂之所難使掛一漏萬旦夕靡寧卽如里甲之調停尚有說也夫未均圖之里甲患在以貧富強弱爲勞逸今楚南所屬各邑均定前弊稍息第有客民一種如落草之舊兵四方鴻集之新戶各散鄉曲此輩心性叵測奸良莫必雖見在編插保甲所慮清查不嚴有司或以泛常視之

里甲或以養癰置之者伏懇憲示以嚴飭爲調停者此也至於衙蠹屢奉 嚴旨汰革城社之奸或已剔除且豪強輩亦不煩借庇此中矣但府廳多一差下州縣州縣多一剗肉之瘡州縣多一差下里遞里遞多一擇食之虎雖經嚴禁伏懇憲臺設一循環號簿或某衙門於某月日差某人下某州縣某鄉有無壞法按季呈驗庶爲釐剔存實事者此也其若錢糧由單旣行朗若指掌苛收之事無容喙矣而其弊有甚於苛收者如下之積保包攬管都坐催上之混收混

比濫催濫獄以及明減暗加寄貯里長歇家臨解方納之類雖本道再三嚴飭反覆叮嚀仍恐奉行不力日久弊生致干憲法伏懇更爲嚴飭者此也又如解運一事楚南數郡殘黎困此久矣今幸經略內院改民運爲官運凡輓運寶慶裝載有船管押有官殘黎元氣之復此一事卽得十之九矣但村落之米穀不能無翼而飛至州邑縣之米穀不能不脛而走至郡其間私幫勢難盡免今欲州縣槩立官運之船而費出無款里遞亦有願量力備船以爲一勞永逸者又

恐仍屬私派非奉憲裁。題請本道所未敢擅便者。此也。若夫防守兵將惟請憲臺嚴飭將領等官有騷擾地方生事害民者嚴法連坐人自知警矣。至有假托營伍冒借旗下原無踪影任意荼毒長吏過而問之不曰某營頭卽曰某旗下本道雖經通行訪禁外伏懇憲臺嚴飭所在官司有前項名色人等若稱旗下今大兵將行不歸營伍而潛住鄉僻許十家首報卽以逃人論若稱營頭兵各有伍而翱翔河上卽以逃兵論庶稂莠清而嘉種植者此也。其流移一節憲

屬所在與北地異兵燹之餘此間土著民人流移他所漸思歸集又有自外流移來者煢獨無依衣食爲急官難仰給必藉殷富以舉火或留爲傭佃或借爲工役貧得其食富得其用以實安插本道雖勸示多行必憲檄嚴加責成如某州縣招徠流移若干續入保甲若干以招徠之多寡定有司之勤惰至如前項所稱雜處客戶非兵非民謂爲兵則已受廛田間謂爲民則常挾弓矢三五成聚此不可不謂之流移而皆不招而來者當請憲示嚴釐剔於招徠者此也。至

於長保諸郡久戰之地荒蕪實多然亦有民富財熟亦作荒民貧而荒反成熟本道雖嚴禁痛絕此必飭實心體國之良有司按圖按畝使除必歸荒徵必歸熟然後聽人力有餘之家任意開墾如經略內院屯書所載無論無主之田許歸管業卽有主之田旣耕旣耨原主亦不得爭質則不特開墾足以贏國賦而清查亦足以除隱匿者此也至若驛地煩困已奉屢旨今湖廣正在用兵輪蹄之衝不減畿輔而又有大難蘇息者湖南水草多熟馬性不宜倒斃不可數計始

焉猶可今州縣補買而至再至三買有盡而倒無窮官固難獨受其苦在驛遞又不可緩除見在條議具詳外本道臆見非軍機緊急必須間以竹轎借人肩以惜馬力惜馬力以節買馬之費非得憲示彰諭未易帖然答應者此也若夫大兵糧餉料草糧雖糧道督催餉雖布政司撥解豆雖湖北州縣買運穀草雖湖南州縣採辦但北隔洞庭輓運維艱南多灘河風水間阻其中苦累不能盡除仍必仰恃憲檄嚴示經徵有司糧餉隨徵隨解豆草隨買隨運至運解一到

正明 卷五
經收之官隨到隨收免其守候減一分民費卽寬一分民力耳首責州縣依期起解次責經收依期入倉未有不合力協辦而可以挽遲爲速者以上數項就地言地不敢套爲沿襲本道心思耳目之所及真有不遑寢處以圖收寧者但軍務櫻心見聞多漏惟憲臺廣覽施行

靖盜以安地方通飭牌

照得設官分職原以彌盜安民故文有巡捕之責武有督緝之任各有專司凡所屬地方務要嚴加稽察不容匪類潛藏如有三五成群陰行不軌立即設法擒除以淨根株仍一面申報裁奪庶盡職守詎意閩省文武各官因循怠玩漫無覺察以致深山窮谷不軌之徒易于藏匿強竊之流出沒不常盜起而不知防失事而不知捕一味隱諱不聞迨至嘯聚劫掠方始具報是百姓已受焚殺之慘矣及奉文行查非捏

報塞責卽妄拏無辜虛冒掩飾究竟真盜未獲養癰遺患爲害匪細况諱盜功令何等森嚴豈容玩泄若此本部院入閩以來查閱刦掠焚殺之報殆無虛日近且上游一帶烏合騷動幾至燎原不知文武各官平日所司何事除地方失事各案見在確查據實題叅外合行嚴飭爲此牌仰該府將照牌事理卽便轉行所屬文武各官務宜實心愛民潔已束兵文職稽核保甲以除匪類武職察點營伍申嚴汛守不許一人一卒擅離陰竄妄行不軌稽察旣嚴則伏莽自消

倘有一二小醜希圖竊發地方汛守各官協同設法勦捕務獲解究不得容隱怠忽致滋蔓延併不許妄拏無辜具報塞責以及借名詐害鄉民嗣後各州縣官防弁以文到日無論地方有無賊盜出沒五日一結具報存案敢有怠玩成性不力行覺察加意督緝以致盜賊生發恣行刦掠不卽擒獲及隱諱不報者一經查出定據逐日所報印結以諱盜殃民特疏題叅決不姑貸各宜凜遵毋貽噬臍

曉諭條約通行牌

為曉諭事照得本部院由浙赴閩僕僕道路一切地方利弊軍民疾苦實未周知今將聞見所及者謬開十二條與二三賢司道守令共改圖以治之不遵者照事

題參

照事

一詞訟一節最為民害居官者不能使民無訟但以大事化為小事小事勸為無事此本部院與民休息之素願也閩俗訟獄繁興無論大事小事動輒駕詞叠控號屈喊冤背黃刻揭甚有傾家產鬻兒

女以求勝棄生業殞身命以相爭者此豈小民天性好訟哉皆由一班積棍訟師不耕不業揣摩時事結交用事衙蠹以公庭爲窟穴逞刀筆作生涯凡平日熟悉地方居民底裏預先打算某某殷實某某愚懦遇有與人睚眦口角戶婚田土細事甜言唆撥愚民無知墮其術中不得不任其指使先則通同衙役詐騙次則賄官夤緣請託傾家蕩產莫非半張白紙幾個黑字斷送原被幾許身家而訟師方且抵掌談笑揚揚得計也示後百姓不得

再聽訟師挑唆致破身家訟師速行改換肺腸另尋別業敢有愍不畏死仍前鼓弄鄉愚與詞害民者一經訪寔立刻嚴拏重處不貸

一私放錢債違禁取利律有明條查大清律開凡私放錢債每月取利不過三分年月雖多不過一本一利違者笞四十以餘利計贓重者坐贓論罪止杖一百若準折人妻妾子女者杖一百強奪者加二等因而姦佔婦女者絞再查康熙六年七月內准兵刑二部咨文內開一段兵丁放債陷害百

姓利上盤利本又加本有妻勒妻有子圖子等語
應再行直省督提嚴行禁止奉有依議之旨欽
遵通飭在案此違禁放債取利之律例功令如此
若負欠債銀不還查大清律亦開其負欠私債
違約不還者五兩以下違三月笞一十每一月加
一等罪止笞四十五兩以下違三月笞二十每
一月加一等罪止笞五十百兩以下違三月笞三
十每一月加一等罪止杖六十並追本利給主此
負欠債銀不還之律例處分又如此總之取利不

可違禁借債必要償還查閩省兵民襍處欲百姓
不借債于兵丁欲兵丁不放債于百姓此必不得
之數也何也糧務所迫酷吏逼民而借債獄訟所
迫貪吏逼民而借債民之借債豈得已哉如放債
之兵丁果遵每兩三分起息之例通緩急而濟有
無未爲不可何以借營債之百姓每被重利盤算
放營債之兵丁動輒準人妻子以至暗栽姓名殃
及親朋牽累隣里此民之怨聲所由起也最可惡
者地棍假冒營頭有一大棍徒必有數十小棍徒

爲之倚附佩刀帶僕張大其燈籠盛美其轎馬翺
翔通衢狂行村堡因而違禁取利算無遺策究竟
利歸于己怨歸于人害理欺天言之真堪髮指示
後如有督提鎮協官兵放債違例害民者兵丁以
軍法重處仍將該管將領違 旨飛章 題叅至
于外省與本地棍徒重利剝民害人無休者本部
院訪實立拏親審盡法重處光棍立斃杖下

一愛民必先慎刑蓋刑獄之設懲奸誅暴不得已而
用之罪疑惟輕古人用刑原有惻然法外之意是

以五刑有辨監舖有別罪有輕重故也今聞閩省
屬員審事聽訟動用短棒夾棍茅竹大板以致鮮
血淋漓皮肉分飛究問其剛暴何以至此非因幹
旋之未善必係囑託之當遵至細事罪犯及無辜
干連濫行監禁經年累月漫不審理死于飢死于
寒死于熱死于病不可勝數湛湛青天使功曹執
簿而告 上帝卽明逃 國法必幽有鬼神勿謂
冥昧而可欺示後非關重大罪犯不許濫用重刑
卽不獲已薄懲示戒足矣非關重大罪犯不許濫

行監禁卽不得已取保候審可也嗣後如 欽件
如盜情如人命十惡等罪照常審禁外其餘一切
民間小事有司中有能省刑慎獄留心民瘼造福
蒼生者本部院另當獎荐倘有玩不遵依仍前酷
打良民濫監無辜定行從重糾叅

一民情健訟所在都有未有如閩省假命圖詐爲害
之更烈者也夫人命一節若果真正謀殺故殺情
真罪當自應典償至若服砒礮服毒草與投環抹
頸等類查律文開載威逼人致死者審寔杖一百

追埋葬銀十兩給付死者之家按律定罪不過如
是如不係威逼是其志短輕生與人何涉乃閩省
惡習相沿多服毒草服砒礮遂致身亡更有一種
無賴棍徒影藉遷民爲名流寓關廂村落或將乞
丐無主之屍或將病斃道傍之骸認爲兄弟認爲
親族抬屍登門羣夥抄搶席捲其衣服首飾罄搜
其器皿家貲禍飛一家殃流全村嗣而砌詞呈告
縣收一詞曰人命府准一詞曰人命卽經承差役
簽一牌持一票亦曰人命先加縲縵隨施銀鍊一

正明
卷五
四
讞再讞拖累經年不特無賴棍徒視假命爲奇貨而不肖官吏不法胥役幸灾樂禍無不視假命爲奇貨甚至波及隣族株連親戚迨至府縣審斷不明又復控告于各院司道衙門往返提質有冤未白而身命先亡或冤雖白而家業全蕩者矣示後凡關真正人命務須狀內填寫某人被某人于某年月日或用金刃兇器或用拳脚踢打于某處受傷致死必須左右兩隣干証親筆花押先赴該管州縣呈告該州縣官逐一查明無左右兩鄰干証

花押者不許准不開受傷處所者不許准毆打過一月查無先具保辜者不許准查與保辜狀內原開受傷處所不合者不許准許告多人牽連婦女者不許准狀內開寫明白如果情真許州縣先准拘究臨期務須調換件作仔細檢驗仍親看傷痕隔別細訊兩隣干証供吐真確依律擬罪招解司府司府復審明白招解各院覆勘具題審有虛誣依律反坐仍究兩隣干証扶同書押謊告之罪敢有兇惡奸徒仍前借服毒草服砒礮夥棍抄搶

正明 卷五
拖告無辜者許被害從實喊控定行嚴拿斃之杖
下仍將濫准假命之官飛章叅處
一盜案事關重大若誣良爲盜律法不容凡承緝官
役自應訪拿真盜起獲真賊審取的確口供方可
究擬成招訪聞閩省有等流棍不務生業擇人飛
噬每窺殷儒之家暗通在監盜犯勒逼借銀兩初
則免人寄字但求稱貸良善懼禍不敢違阻一入
殼中刁嚇百般日逐索衣食勒銀錢稍拂其意遂
至當官扳害指張三指李四不曰同夥上盜則曰

窩頓賊私有司不察初供有無不辯情事真假鍛
鍊下獄與誣扳之盜共禁一室穢溺難堪凌虐非
常與脫牢籠不得不變產借債賣男鬻女以填無
厭之求迨至供出誣扳冤白家破凡慮有飛禍者
人人自危千室之村寧有幾家不哭百里之內寧
有幾戶安寢此皆流棍訟師串通捕役禁卒朋比
作奸有司朦混不加詳慎所以日朗天空之下有
此魑魅魍魎之行示後敢有惡棍奸胥唆盜扳良
唆盜扳讐唆盜扳富妄指無辜爲盜者一經訪出

或被告發立拿處死併將該管官指叅

一逃人波累爲害最大若知情故意隱藏或不察來歷收留按例究罪自無可追惟是不係逃人假粉逃人而詐害原非窩主妄供窩主以株連或寄字殷戶憑空勒借或曾識姓名無風起波良善懼殃委曲依從無厭之求在監則索衣食起解則索盤費一有不遂反覆誣扳非稱曾經住宿卽曰寄收賞財一供再供莫可究詰問官以事關逃人遂據供提質含沙射影爲害何底示後凡拿獲逃人承

問官卽以初審口供爲憑所供窩主必細加詳審果係窩隱情真照例究擬若係無辜立行釋放至後次覆審扳出窩家一槩不許拘質敢有故違定將害民之逃人特疏題叅加倍重處承問官不能與百姓分憂非罷軟無爲必昧心害理查出併登白簡

一佐貳首領擅受民詞害民尤甚如一郡之中知府師帥一方錢穀刑名攸繫一邑之中知縣管轄百里戶婚田土相關若同知責任海防或管巡鹽通

判職專總捕或兼督糧以及三司首領縣佐等官各有專司原不許越俎妄行不肖末員喜有事不喜無事喜多事不喜少事凡民間追租取債爭口鬪氣等項微小事情無一呈不准無一件不行差役四出多寡兼收甚至狗囑託而嚴刑峻法任苞苴而黑獄幽囚始而谿壑未填則風行雷厲及至關節一通便雪化冰消今日百姓低儻之狀府縣正官敲吸之不足則又有佐貳以助之則又有首領以佐之除確訪劣蹟叅拿外示後佐貳首領等

官恪守本等職分遇有上司批行事件方許審理敢有違禁擅受民間片紙隻字吹毛求疵虐害小民者本部院必執白簡以待

一八閩素稱文學之邦四民原推士子爲首凡列青衿務宜佩聖賢名教遵朝廷功令閉戶潛修以期上進蓋士自重而人不敢輕必自侮而後人侮之本部院初入閩境期與多士敦尚淳風訪聞閩省士子其中廉隅自飭者固有而敗壞斯文者不乏其人如結盟聯社奉旨久經嚴禁猶有不肖

劣衿勾通豪棍仍蹈故轍敢于朔望鳩金集眾軟
血申盟多至百十餘人少亦不下數十人終日引
類呼朋專保貪官專作硬証從中市井無賴藉黨
援之勢焰積猾神奸逞朋比之雄風交結衙蠹詐
嚇良民起滅詞訟把持官府以及包攬錢糧充當
牙行種種非爲難以枚舉此誠嘉禾中之稂莠士
林中之匪人示後如有不肖劣衿仍敢違禁結盟
聯社合黨成群把持官府詐害良民者許地方官
據實申報嚴拿遵照光棍 新例究擬勿以身命

嘗試

一閩省士習衰靡其有違犯功令玷壞名教者另款
嚴飭外但賢愚不等未可同日而語有司不察徑
以劣衿之不檢遂致善良之莫辨間有閉戶讀書
謹飭自持之士或因情關切已不得已而偶至公
庭不論事體鉅細不問情理曲直輒加箠楚殊非
樸棧作人之意卽如赴比錢糧有本身戶役與包
攬里長不同又如聽審詞訟有利害切膚與扛幫
硬証不同若果家業式微輸將恐後苦于一時不

能完納者似應分別限期追比不可與包攬抗逋之劣衿一概扑責若果素行無虧身受冤抑迫于萬分無可奈何者似應審問情罪虛實不可與扛幫健訟之劣衿一槩扑責其專辱生員好博風力者本部院不取焉示後有司不得仍前不分輕重擅用刑法凌辱斯文沮喪士氣士子亦宜自愛名節砥礪潛修勿干法網

一濫取舖行久奉嚴禁案准吏兵二部咨爲謹陳官票濫取民間貨物等事內開如有發票差役濫取

貨物不照民價平買及派舖戶當官名色承值該督撫提不時查明指叅等因奉有依議之旨通行欽遵在案今訪聞閩省文武各官有陽奉陰違不念小民開張貿易覓此蠅頭以爲養家餬口之計或差役臨時撮用云隨後給價究竟分文無給者或發票借辦公用云後日發還究竟久假不歸者或票取貨物到手將原票繳銷以爲舖行無據者或雖有見銀發買未必盡付時值復經胥役侵落者種種苛索大千功令除見在訪實叅究外

示後通省文武各衙門凡日用食物俱發紋銀悉照民價平買仍嚴飭買辦人役不許扣剋分毫敢有仍前濫取不給價值及給價短少者或經本部院訪實或被舖行告發定行據實題參

一閩省夫役之繁疲困已極全在地方官體驗民艱與之休息向來閩侯二縣每月科派民夫供應各項不奉明文之役積胥從中折乾每名每日折銀一錢以至上下往來水陸長夫取十派百取百派千已經前部院痛革在案但恐日久玩生念此窮

黎或肩販以營生或手藝而糊口當一日夫差必悞數日活計出一錢使用必費幾日經營殃民莫此爲甚示後敢有仍前科派各項夫役以及濫取長夫奸胥折乾苛索害民者一經訪聞或被告發官則飛章題參役則立斃杖下

一衙蠹指詐害民除經出示嚴禁今本部院欲清下屬之衙蠹必先自本部院衙門爲始如犯事在府縣投充司道衙門爲護身之符犯事在司道投充上司衙門爲躲雨之地書辦在外則稱之曰內案

材官在外則稱之曰將爺承舍在外則稱之曰効
用皂壯在外則稱之曰大班士庶畏其風波守令
仰其鼻息見在查訪究革外若夫各衙門濫差更
爲民害尤當革除本部院歷任雲南貴州浙江非
十分緊要事務並不敢輕差一官輕差一役聞知
閩省司道府縣動輒濫差如錢糧不分緩急詞訟
不問輕重胥役表裏爲奸遇事朦溷出票因而牌
籤如雨密布郡邑酒肆茶館歇家飯店無非上司
之公差以如狼如虎之輩領票下縣則官吏驚懼

轉票下鄉則雞犬不寧有司慮其背非那庫債以
應酬小民遭其魚肉賣兒女以銷票無厭無休轉
輾苛索不止一端示後上下各衙門槩不許輕差
衙役下府下州下縣下鄉吏書胥役人等各宜奉
公守法敢有仍前咆哮橫肆擾害地方者一經發
覺立拿處死仍將縱蠹濫差之官一併 題叅除
經出示曉諭外合行遵照爲此牌仰該司官吏查
照牌內各款事理即便轉行所屬府廳州縣一體
遵照申飭嚴禁務宜照款遵行敢有陽奉陰違或

政明 卷五
告發或本部院察訪得實定行叅拿决不食言文
到各具遵依緣由報查毋違

清查未完事件以釐積弊牌

照得總督衙門有兵馬錢糧之任吏治民情之責且
兼理兩省事務殷繁全賴司道府縣共襄其事庶免
貽悞但 欽件立有定限稍有遲延叅罰隨之該管
衙門尚有恐懼之心一遇怠玩本部院惟有指叅而
已獨是各屬之申詳必批行覆核地方之民情必批
行詢審官兵之糧餉必檄行督催軍民之疾苦必諮
及官弁所屬各官隨到隨行隨奉隨覆尚恐往返駁
查耽延若任意沉閣下屬官吏請示而不得示小民

伸冤而又沉寃軍需已悞而再悞地方廢弛而益廢弛其中經承之舞文作弊胥役之滋奸害民無所底止本部院蒞閩方初檢查舊案寢閣甚多已往固不深求本部院欲觀屬員之盡職惟看文移之精詳稽職任之惰勤專核事件之遲速案查康熙六年六月廿五日准刑部咨爲敬陳管見等事內開督撫批審事件限一月審明詳報若案內提人行查以人文到日爲始再限一月審明詳報該督撫查明速結俟年終該督撫將該府州縣審結事件查明若有遲延隱

瞞情弊借端違限者卽將該管官職名開明題叅奉有依議之 旨欽遵在案合併飭催爲此牌仰該司道官吏照牌事理卽便轉行所屬府廳州縣各官一體遵照除前部院一切詞訟槩行註銷不許官役朦溷滋擾外其餘凡關兵馬錢糧地方利弊貪官衙蠹人命強盜未經審結大案毋論詞詳牌票逐一清查應詳報者速行詳報應造冊者速行造冊應審結者速行審結應詳請註銷者立卽詳請註銷務要徹底完結不許稽遲滋弊仍將從前未完各件自康熙五

年五月起至今止挨年順月備造清冊開明奉行事由註明經承姓名造冊呈報查核敢有稽延遺漏該管官遵旨題叅仍提經承解究不貸

清查監犯牌

照得本部院初經蒞任一切在省監犯俱未見刑名衙門先冊詳報近閱各衙門招詳有已結欽犯病死死者有未審盜犯病死者有不係欽犯盜犯無辜牽累而病死者該死者不死于法無以示懲戒不該死者而死于監無以慰冤魂國法難貸民命堪憐合行清查爲此牌仰杭嚴道官吏遵照牌內事理卽便親赴司府縣暨責令刑房獄官照件查明無論事之大小案之久暫罪之輕重人之多寡逐一清查備

開簡明一單限本月二十日辰時投送到本部院以
憑閱奪勿得違延未便
爲再行嚴禁事照得西湖盧舍庵近岸立柵畜養水
族使其優游荇藻之間濡沫滌澌洄之際遂其生養免
其刀俎誠盛事也乃有奸猾漁戶乘舟張網昏夜偷
捕先經本部院給示禁約在案近復藐法不遵仍前
竊取不遂其慾百端興波以致弱僧不能獲衛遂使
晚聽暮磬朝聞晨鐘之靈族又供偷兒庖厨甚至旗
下兵丁小廝乘機以爲湖魚不知皆爲柵內放生之

魚也除見在差官巡拿外合再示禁爲此示仰兵民
漁戶人等知悉示後敢有奸猾漁戶仍前擅入柵內
恣意偷捕魚蝦戕害民命與兵丁人等乘機飽捉者
經本部院差官拿獲均行重究不貸

申飭詳文牌

照得文牘最貴簡明上既便於披閱下亦便於遵行
本部院兼理閩省事務每見司道府廳縣及武職衙
門申呈詳驗冗長潦草文移多無頭緒詞句類多土
語且不分別奉行衙門槩稱憲臺致煩查考更有將
上諭旨意不行抬頭年號年分竟不書寫止稱案奉者
或稱幾年者或稱上年去年者全無敬慎之意又有
年月錯落洗補失填字不成字紙不成紙者又有詳
內文職止開某司道府廳縣武職止開某鎮協叅遊

都守千把不書職名者甚有自稱協鎮自填虛銜者
又有既書職名不開府分縣分不開某處駐防某標
某營者間有革職降調各官應開某案革職某案降
調必經前部院通行在案何閩省各衙門詳文造冊
等項忽畧多不開明再如文職衙門欽部案件地
方事務兵馬錢糧應通詳者其詳文體式前列奉行
年月日應詳本部院批奪者前列本部院原行次及
撫院原行後出看語應詳撫院批奪者前列撫院原
行次及本部院原行後出看語此不易之規也如地

方事務通詳奉撫院批行者應開奉撫院批行除呈
詳撫院或裁奪或咨部或具題外擬合通詳至奉本
部院批行者亦如之庶便批奪不致互異每見各屬
詳文應詳本部院者而先列撫院原行應詳撫院者
先列本部院原行看語游移招情不諳或鋪敘顛倒
或繁詞重疊忌諱字眼毫無檢點案外牽帶任意株
連法司看語不定是非全無擔當將易於完結之案
竟致招成百篇而不結尤可異者審訊盜賊必問行
劫情形夥黨數目已獲者必以贓仗爲憑失主識認

爲據今聞省衙門不究根源將拏獲之犯止取口供以家甲具保爲良民人情險惡父子尚不能識其心性家甲豈能悉其真僞有家甲具保者卽得釋放萬一無家甲者卽是真盜乎無論狗縱滋弊且權在民而不在官矣問刑衙門又不親審止轉一詳豈不爲贅員耶至於錢糧事務或詳文或造冊應繁者不得不繁應簡者必期清楚爲簡若槩以減省爲便詳文內錢糧不開原委冊籍多不合式種種漏習上下朦溷欲錢糧不滋積弊刑名不致冤人必不得之數也

本部院駐札省城尚可就近駁查改換今膺兩省之責雖奉 旨駐札衢州文移往返動輒月餘若不預爲告誡經承仍前怠玩該管官全不覺察本部院雖欲姑寬駁換勢必有悞 欽限而廢地方事務除已往不究外合行申飭爲此牌仰該司道官吏查照牌內事理卽便嚴飭該司道各書吏仍移行府聽州縣暨鎮協營將等衙門凡詳地方軍務必查的據應密者卽行密報盜情事務先將失事情形盜夥名數地方疎防文武職名一面馳報具 題一面嚴緝真賊

凡有招詳情罪務宜協律一切繁詞忌諱字眼必細
加檢點覆審看語或平反定案或是非從公皆須斬
釘截鐵兵馬錢糧管收除在必要畫一民賦錢糧款
項數目務期清楚看語切實詞簡意明年號月日不
得錯落 諭旨抬頭不得壓寫至送部冊結更宜慎
重或奉本部院或奉撫院俱開奉行年月不得槩稱
奉憲並督憲撫憲字樣其詳內某司道府廳縣某鎮
協等將必開職名革職降調各官必查明某案詳文
冊籍紙張必須潔白字畫必須端楷敢有仍前抗違

草率朦溷輕則提解經承書識究懲重則定將該管
官以怠玩提叅本部院法在必行斷不寬假官吏勿
以今日之申飭視爲泛常各宜慎之文到先具遵依
緣由報查施行

申飭憑限牌

照得陞任官員原准部發文憑定限文到兩月內查明任內有無未完錢糧盜案如果未完卽照案具題倘俱已清結取有府縣及接管官印結卽令速赴新任如遲延不給文憑卽以措勒題叅此一定之例凡陞任之官交盤錢糧必查有無未完盜案必查有無未結該司道府應通詳本部院批允給憑惟是本部院兼理浙閩或會閱沿海或巡歷地方或奔馳兩省原無一定駐札之所若陞任之官必待本部院批

允始行給憑往返道路動輒月餘則赴任之限已逾大有不便今本部院酌議嗣後浙閩兩省所屬官員遇有陞任該管司道府查明任內錢糧盜案如果毫無違礙卽取結通詳該司道一奉撫院批允卽行給憑不必等候本部院批詳如有錢糧未完或盜案未結亦必就近先請撫院具題庶免稽遲合行通飭爲此牌仰該司道官吏查照牌內事理卽便轉行所屬一體遵照敢有藉口未奉本部院批示指勒陞任官員致悞赴任之限本部院查出定行指叅決不姑貸

清獄剔弊以重民命牌

照得園扉之設原因情罪重大毋容疎縱不得已而用之至罪有輕重情有曲直事有真假務必審問明白然後應罪與不應罪方爲分別今本部院蒞任方初日接監犯報故者竟無虛日其事犯甚輕不報本部院者又不知凡幾似此閩屬各官慎獄者竟無其人耶且訪聞有司不論錢債爭鬪戶婚田土上行職行諸事槩不審理先行監禁或受勢豪之囑託者有之或受衙蠹之欺朦者有之或打點不到關說未明

政明 卷五
者有之或武弁拘人寄禁佐貳受賄私舖者有之一
入獄中牢頭禁卒如同羅刹送飯不見飯送湯不見
湯又復苦索見面錢草荐錢燈油錢燒紙錢值日錢
租廳錢土地錢門上錢牢頭錢服侍錢睡場錢獄書
錢免打錢免吊錢送飯錢買命錢是有錢者生無錢
者死甚有一種無名陰害愈令罪犯難當或置之汙
穢不堪之地或置之凄風露雨之所或以無病之人
而驅伴沉疴待斃之犯或以輕罪之人而押入扭錄
重犯之地獄官縱惡而分肥有司明知而不問更有

人犯拘提未到牽累妻孥濫行羈禁以致男女混雜
穢濁醜玷言之痛心聞之髮指合行嚴禁爲此示仰
該司官吏照牌事理即便轉行所屬府州縣嗣後人
犯如情真罪當事關重大者方許監禁仍飭行禁卒
人役用心看守不得因有錢而賣法疎縱亦不得因
重罪無錢而陷以非刑非命應給囚糧按時給發不
許扣尅應與柴水照例給與不許飢渴獄內穢污務
要不時掃除監房潮濕無地板者有司設法裝修地
板庶免囚犯致生疾病使有罪者得以明正典刑無

正明 卷五
三
辜者得以保全殘喘不特造福無窮尤可免于天和
倘獄吏禁卒不洗滌肺腸故違不遵仍于監內橫行
恐嚇任意需索桎梏民命者密差查出或被害首發
或本部院親審問出獄官禁卒立拿處死府廳州縣
以不留心刑獄立登白簡若罪輕人犯分別倉保不
得槩行監禁敢有朦溷監禁以及武弁寄監佐貳私
舖一有確聞立刻 題叅文到該司大張告示分發
所屬各監曉諭仍行各府同知密詣郡城府縣獄內
將見監人犯逐一清查備造細冊于前件下註明所

犯事由呈送查核此後按季造送毋得遺漏如該同
知徇情曲庇不行據實開報本部院密察訪確先將
該同知指叅決不姑貸

僉甲示

照得各衛識字俱經本廳處究無奈不能割彼心肝
五腸而令彼所報皆在在殷實本廳設有借奏一法
可謂甦窮甲之困而杜告脫之門矣奈何中有權勢
之徒不肯安心領運畢竟求情鑽書本廳若聽其囑
託僉張換李則告脫之人悅而繼補之人必怨矣且
人情澆薄行將倡言作訛背後談官之聽情受賄矣
若本廳不依其囑託鐵面冷衷則說情不遂之人懷
憾在心未必不誑言弄舌播陷本廳是非也本廳職

甲分微當此萬難之局痛哭流涕誰人見憐况憂國
為漕何敢避怨邀譽而悞

朝廷大事也害本廳者每每求書來說不聽則本廳中
其害矣似此神奸求脫之輩分明自喪良心不顧作
官者死活只是得脫則喜不脫則怨究竟人人求脫
個個免運則朝廷數百萬之漕糧叫誰輸輓示後
敢有生心巧脫者本廳定將原書密封報院仍立刻
將求書之人肘解送禁若不處死一二則大事終難
濟矣特示

勸諭士民進城居住示

竊照長沙一府素稱通衢名郡紳士軍民環居城內
其來舊矣年來荒寇頻仍紳民畏首畏尾或慮民房
兵占不得相安或慮排門差煩不得休息或身家頗
厚恐有無端飛陷或窮苦莫告無力起造房屋或儒
民儒士怕受豪強凌辱其不進城之故大概不外乎
此今則不然分別兵民之居務使兵民彼此相安革
去門夫之苦必不朝令夕改白日青天知魍魎之必
斂迹以及不敢再逞富者安居樂業塵市耕讀悉任

其便其有窮黎苦民力量不能蓋房者准借銀以助不及一年之後陸續還官則庶幾各得其所矣各得其所而凡原住城內者是自失故宅也擬合出示勸諭除原居鄉村者聽其自便外凡係城內士民各宜互相勸諭漸歸故宅此非有所強以致之將見吏肅民安塗歌巷舞之風可以不期要之今日之官培養殘黎使地方漸有起色未有不件件真心事事實着革從前未去之弊行不招而來之事也須至勸諭者

禁革餽送示

惟照地方荒殘筑筑子遺賴賢有司加意撫綏乃可出顛連而置之衽席今欲令有司愛民必先使有司省費長夫書帕未必已囊尺帛寸絲孰非民膏今本道遵奉經略院部憲示嚴革餽送一弊自本衙門起盡行嚴革府廳州縣愛名節而軫民艱目擊荒苦無不惻惻心動共遵功令者也如踵習前弊舊例遇有節令生辰等期仍行餽送是違法行私剝民以奉上司也奉上未必致福剝民先自取罪不惟公論可

畏竊恐逢迎周旋無有不受累者示後各務恪遵勿違毋謂此等禁革不過掩飾耳目未必言行如一始終不改耳抑思此時此地民人窮苦如此有仁心者斷未有不愛有司之撫字而喜有司之苞苴也特示

勸諭息訟示

照得長屬州縣百姓從前解運維艱自蒙經略院部駐節改民運爲官運輸輓之苦較之順治九十年間已去十之七八矣且本道仰遵憲法惟恐御史不嚴御民不寬府縣不許差人下鄉徵輸不許額外加派自順治十一年正月初一日起驛遞議有協濟排夫議有工食業蒙經略院部詳批通行在案是不敢博愛民之名未嘗敢存不愛民之心也奈何民不自愛往往互相告害計本道蒞任以來刁詞不已有生員

告民民告紳士弟告兄伯叔告子姪者閱其詞狀滿紙冤屈審其情節一片虛謊且一狀傾家一狀蕩產富者因告而貧貧者因告而亡且如好訟之徒拖累不休幾無寧日合行勸諭禁止當此春作伊始各安本業如有真正人命盜情不得已之冤方許赴道告理但係一切尋常小忿者各宜止息如違除不准外仍將原告重責決不姑貸特示

嚴禁耗銀示

照得今日州縣徵收錢糧大半令花戶自封投櫃名色未嘗不善然每每民納正銀一兩非外添五七分以至一錢不等者不敢投櫃且櫃頭收銀必求官喜戥頭輕重一任其手所以明加之外又有暗加之苦也差役催排年排年催花戶酒飯有費脚力有費起發有費其有錢糧不多與怕見官長者往往托里長排年代交倚衙役積歇包納或添搭成色或加增銀數或指衙門使費或稱借貸先納因公科歛無所不

至嗟嗟民膏幾何賣絲糶穀助力已竭蒿目時艱有不惻然動念乎今欲甦民困必先懲貪懲貪必先立法除已往姑不深論外合行出示禁革爲此示仰合屬州縣知悉示後徵收錢糧必以布政司頒定法馬與本衙門較明準戡公平徵收仍大張告示明白曉諭凡差役生端詐索窮民者事犯處死與櫃頭刁蹬多收耗銀者盡法責懲如是法行而人不敢犯官廉而吏不敢蹈民孰無良尚忍遲悞正供自取鞭朴哉不然明革暗取仍是加一加二縱役滋擾依然多派

多收不待別有訪問道路有口聽羣言之清濁便知其官評之賢否矣勿以故套虛視爲尋常示也特示

嚴禁私派示

竊照長沙府屬各州縣所最苦者惟輓運驛遞兩種已奉經略院部見在籌畫為百姓蘇此第一困苦但此外猶有難盡者如各州縣凡遇經過公差上司官役與夫往來過客或備一酒飯送一下程皆一一取之里長用一破十經承之巧派里長也止費片紙寸稟假公濟私里長之又多派花戶也不啻千端萬孔有司明知而不肯禁百姓甘出而不言苦流弊日久習為固然況州縣各有公費備用卽除荒徵熟為數

不多遇有過客公差等費當以有限之公物忖量減用如有不足或捐俸設法亦通例常情之不可已者何必動派里下且過差知費在民不在官而奢望侈想靡不需索加以官不切已展手開懷又何所不奉承乎抑思民苦正供尚出艱難私派豈當剝削今立法嚴革如有玩久不遵積弊必不肯除者訪實官聽揭叅吏斃杖下通同加派之奸里一併處死決不姑貸

誤畱逃人示

照得滿州大兵住札長沙所有跟隨舊人聲音狀貌自是不同凡長屬士民與往來商賈以知隱匿逃人法于不赦欲保身家性命者決不敢輕收一人妄買一人也竊恐住居深山曠野之鄉民不知

朝廷之法度撐舟駕船之愚夫不知 國家之功令遇有逃人或容畱住宿不加盤問或姑息恩養不忍驅逐或聽其巧言認為無根無靠無知者未免因慈悲而招禍害或搭船裝載不查來歷或夥伴同行不問

去路或粧成商農令人必信不疑無知者未免以疎忽而入法網甚有無籍奸棍勾引逃人僱船轉送設計轉藏無知者受其愚惑墮入術中迨事犯之日欽遵新例窩隱之家房地入官家產與本身妻子克發盛京兩隣各責四十板罰銀十兩十家戶罰銀十兩該管縣官不行嚴查罰銀二十兩有一人拖累十數家者妄收逃人之罪如此爲士民商農各宜自醒遇有逃人相投卽時首官方免前罪凡一切女子小厮但有借住投寓者概首到官不可一刻容畱本

道恐無知百姓犯法深爲可憫故明白告誡慎勿自取災禍後悔無及特示

招撫羅大順示

照得貴州一省久罹兵火紳士困苦百姓塗炭不觀
天日十有餘年矣我

大清朝興師問罪救民水火如今歲四月大兵一至逆
賊望風遠遁凡歸命投誠者仍照原銜授以原官此
遠近官民共聞共見不待多贅惟是新添爲已關腹
裏之地久聞匡奮將軍羅大順身家重大棄戈回心
先經投誠在案不意渠逆李定國不知 天命不合
人心聞差僞頭目遠來鼓惑逼勒大順號召殘孽於

七月十六日夜襲新添以致我兵攻尅大順巢穴此
飛蛾投火自取焚身之禍原非我大清朝失信于
大順輕舉妄動也細思大順年近六旬世事人情安
危險易禍福利害生死榮辱必能洞悉且上有祖父
坟墓豈肯蹈挖地三尺之罪使祖宗飲恨地下中有
伯仲兄弟豈肯致禍手足血刃之慘使骨肉含冤荒
郊下有妻室兒女豈肯起子孫顯戮之禍使無後不
孝遺臭萬年左右前後有鄰里鄉党豈肯連累親戚
朋友使無辜男婦玉石俱焚此皆李逆空言愚弄設

計陷人大順輕信哄誘墮入術中今雖自怨自悔莫
能自白其錯誤也本院撫茲全黔一夫不遂不能辭
罪一隅不寧不敢安枕今大順近居新添鄉民訛傳
皆云李定國新發偽銀印一顆大順又復領受見在
起蓋衙門依舊作祟思逞本院聞之殊發一笑夫人
爲萬物之靈天下有至蠢至愚不死不休如此之人
心也此必鄉民恨前日大順招禍受慘之苦故作此
言以甚其罪耳但大順一日不出山投見則一日集
禍不消今欽命安遠靖寇大將軍信王駐扎甕安

橋一帶已經發文招撫本院慮恐大順疑畏不決茲特出示實心招撫果能悔過投誠挺身先見本院隨即引見信王除前罪俱赦不究外仍照原官加銜授職決不肯失信一人以失信于滇雲未來之遠人也切勿謂新添前事不敢復出投見古云苦海無邊回頭是岸若恐出身投見疑爲哄殺不知我土人無故殺一雞犬心猶不忍况人命關天若設計哄殺冥冥之中不近報於本身必遠報于子孫天理循環古往今來斷斷不爽此理可信而心不必疑也向日新添

作祟是生人作死事尚敢爲之如今日回心投順是從死處求生路又何憚而不爲也投順之後縱步于城市何等放心寬懷優游於田里何等逍遙自在不辱祖父盡爲人子之道不累兄弟盡爲人弟之道不貽害兒女盡爲人父之道不帶棒鄰里鄉黨盡爲人友之道匹夫作禍延及無辜一人回心保全多命此利害關頭皎如日月明白易見若執迷不悟是本院欲大順生大順自求死也是本院欲保全大順父子兄弟親戚朋友性命大順必不肯自保全父子兄弟

親戚朋友性命也且微論天下十三省已入版圖十
二雖外國如流球朝鮮誰不苞茅納貢而區區一大
順遁跡于彈丸山寨之內是猶以勺水與滄海爭多
寡識者笑之多見其不知量也本院如此醒諭凡有
覺性者自當速速悔悟不則新添爲江楚門戶往來
糧餉必由此道若大順抗逆不勦勦不盡法法不盡
善本院必不肯旦夕少待必不肯姑容養奸必不肯
輕聽大順遠遁不敢死灰後燃此時發兵勦洗全族
大小不論首逆次惡不管有罪無罪盡行誅戮雖本

院欲分別涇渭而鎗斧刀戈之下又孰辨其爲稂莠
也生死兩路前後俱已分明是在大順卽時圖之如
一時不敢輕出先將僞印僞劄繳院仍聽本院差官
迎出投見若過此時不投卽 王師已進滇界方出
投見是觀望後計出無策投誠非此時真心挺身投
誠可比也字字皆本院真切之言幸細心玩之猛然
醒之特示

謝文神示
 天此湛湛青天不敢欺也今入夏四十餘日酷旱異常
 雲將作而風起雨將沛而風散千壑斷源百川俱竭
 草枯山童土裂灰飛本院日望愁堂憂軍憂民無不
 省心念疚痛自刻責此天災必由人致而致災皆

祈求雨澤示

照得黔省窮荒當兵火之後民之死於兵戈死於催
 呼死於流離死於饑寒不可勝數本院謬忝撫綏自
 揣德薄望輕顧名增愧自撫黔以來凡行一事出一
 令平心推恕日之所為夜必焚香以告

天此湛湛青天不敢欺也今入夏四十餘日酷旱異常

雲將作而風起雨將沛而風散千壑斷源百川俱竭
 草枯山童土裂灰飛本院日望愁堂憂軍憂民無不
 省心念疚痛自刻責此天災必由人致而致災皆

由本院委署濫用貪官詐財害民或本院未知之也
短價採買虎役苛索無厭或本院未知之也不則本
院遠居堂室之內不查民情之隱致使兵害民而不
聞民受累而不覺不則孝子節婦冤死非命良民百
姓遭被慘戮致使長夜號泣不得生樂井里鬱氣上
干陰陽悲伏種種罪狀見在逐一申飭通行省改合
再出示曉諭爲此示仰合屬文武官吏遵照示內事
理共加修省用回天變凡遠近百姓有能採訪高
道高僧可用法術期於旬日之內祈禱必效但使旣
枯之禾稍可蘇活本院捐銀二百兩以爲祈求有效
者助其修行之用決不虛言特示

嚴禁刁訟示

照得本部院蒞任方新民間真正冤苦不得不准幾件准理之後止期懲一儆百永息訟端奈何慣訟刁民每遇本部院公出不是攔馬便是扯轎冤聲震天究竟多係挾仇報怨卽有地方事關兵民與夫貪官蠹吏本部院自有密訪次第舉行務求經久無弊諒爾浙省士民日久一日必能日聞一日今旣立告期入則滿堂又復攔馬扯轎出則滿街是本部院身任軍國之重終日終夜只是看幾張虛實參軍之狀

則真心遷移之流民家無隔宿居無片瓦者不必撫
綏調劑真正投誠之大衆船停海邊營札江口者不
必安插以及戍守官兵三四個月缺餉不必籌畫十
數年拖欠錢糧不必清楚不了之欵案八九百件不
必審結若不嚴禁則刁風日甚合行出示嚴禁爲此
示仰士庶軍民人等知悉示後果有真正叛逆人命
強盜等情俱定每月初二十六赴告如不遵告期再
在街巷叫冤放潑者除原狀不准外定行枷責不貸
特示

禁革收糧積弊示

照得南漕二糧歷來徵收不能無弊然無如今日之
更甚者如花戶納糧交官遠有百里不等近亦不下
三五十里盤山越水實爲艱苦使隨到隨收猶可言
也乃糧房之打點未到有糧不收或巧弄手段非懸
牌蒙稟改期官有愛民之心吏無惜民之念交糧之
花戶皆日與其盤費守候無期何如香火燒到一刻
可以見效是不能不用使費矣然民之所苦猶不僅
此風車有輕重篩颺有折耗洗手有常例提尖踢斛

鋪倉墊席無一不有陋規正米正耗之外尤有加耗恤民艱者至輕亦有每石耗幾升不知民苦者加一加二任其苛收今立法嚴革示後敢有仍蹈前弊不
必明察暗訪一日單騎下鄉問里長排年花戶三口如出一言者百喙難辭矣法在去弊蘇民勿謂刻于
搜查也特示

息訟示

照得時當多事地荒民窮今日百姓息爭止訟非第
風俗稱淳而閭里和睦其不自相殘害雖有不肖吏
胥豈有無因而魚肉之本道蒞任伊始惟以惜民財
安民生憐憫民情爲切今時當東作民不務本乃具
呈抱狀環訴道傍者每出門不下數十豈知一詞批
准不問貧富承票者除脚力酒飯外必索差錢此從
來所必不免者也加以勾引使費百般圈套承行之
舊規招書之常例以及門役轎傘皂快等項無一不

政略 卷五 三
費打點如一處打點不到官雖懸牌限審吏能改期而奪之必不帶審不特此也原告到而被告未至原被至而干証未齊拖累時日不得了斷曠本業廢工夫究竟何益是以氣未伸而囊先空作藥弄窮莫此爲甚此猶胥役詐錢之大槩耳若夫線索由人點白不由於健訟者之起端也示後各宜互相勸諭非有人命盜情之重不得妄起訟端止無益之費免填溪壑目凋殘之苦各務生理豈不相安無事哉敢有愚

頑不醒聽訟棍主唆好事生端以細故煩控者除不准外仍加重責此非置民冤不問恐虛詞滋擾民無休息故不得不告誡諄諄也特示

嚴緝盜賊示

照得杭州爲省會重地近聞城內城外每于更深夜
靜之時有等盜賊操刀持矢連騎結群或窺遠處孤
商攜囊乍至或伺外縣官役解銀到省或偷探士民
素豐之家每每公行盜劫日白天青之下魍魎橫行
尚安知有法紀乎地方捕盜各官縱盜殃民罪已
難逭尤可恨者地方失事隱匿不報卽有失事之家
具呈報聞又爲不肖官弁以失事必干叅罪旣不
嚴緝真盜反嗔失盜之家輕率妄報百般拷嚇是無

辜良民先被盜害後被官累此等情弊深可痛惡除
見在察訪另行拿究外合行出示嚴緝爲此示仰城
守王副將會同杭嚴道杭捕同知暨仁錢二縣各每
日巡緝兵捕開具姓名呈報示後如遇城內城外盜
賊竊發直日巡緝分查捕拿立將真盜圍拿不許疎
縱所有拿獲先卽解赴本部院衙門不待題報卽
刻梟斬如縱盜不拿或盜劫之後慮恐叅罰互相隱
匿地方反將被盜之家需索拷嚇文武各官從重
題叅今後一併無論地方有盜無盜五日一報王副

將將分汛並巡街官兵與總捕同知仁錢二縣巡緝
官捕俱于每月初二十六日解赴本部院衙門親行
比究毋得故違特示

曉諭示

照得本部院到任之日查有署內預備床帳棹椅各項器具俱經逐件發出仁錢兩縣當堂查領誠恐前項器具係向舖行賒取既經本部院退出自當照數赴兩縣領回至于本部院隨帶官丁俱從船路抵浙各載家具並不借取商民一棹一椅合行曉諭爲此示仰舖行人等知悉未示以前與既示以後但有仁錢兩縣經承衙役指稱本部院隨帶官兵借取舖家棹椅等物許各舖行先將該縣差役綁住如有縣官

正身
卷五
牌票一並輒取到手立刻赴本部院衙門喊稟官則
立參役卽處死須示

嚴飭吏治示

案照欽奉 上諭內開一段增加火耗私派濫徵愧
送上官節儀設立種種名色科歛及將易知由單不
行明白刊造預爲曉示官員督撫司道知府等官不
行嚴察揭叅將總督巡撫定行一併處死决不饒恕
欽此欽遵業經前部院通行申飭在案今本部院新
奉 簡命兼理浙閩事務到任之始先與屬員告誡
明白本部院不敢苦司道必不許司道苦府廳府廳
苦州縣州縣苦百姓如此一清百清方爲仰遵 上

諭如司道府廳州縣仍蹈舊習以天語爲泛常或
加增火耗或私派濫徵或受節儀或不將易知由單
明白刑造以及種種貪賊剥民不知省改士民有口
商賈有口沽酒市販有口田父村叟有口墮夫舟子
兒童走卒無不有口輿論同聲必無虛謬本部院一
有確聞遵諭飛章叅拿不惟功名莫保性命隨之
煌煌嚴綸殺其本身流其妻子此國法萬難寬貸
者合行出示嚴飭爲此示仰浙閩兩省所屬官吏士
民人等知悉本部院此言對天日誓鬼神雖至愚
極陋斷未有甘朝廷之斧鑕而寬貪官性命之理
所屬各官改與不改亦聽自裁試看本部院之行何
如勿復多贅

嚴飭洋禁示

照得違禁通洋 功令首嚴本部院新奉 簡命兼

理浙閩雖皆海疆重地查閩海與浙海不同洋貨出

入惟閩台灣逼近惟閩奸商賄賂通同射利牢不可

破惟閩奸商既恃賄賂以通往來台灣必藉奸商以

探消息表裏為奸釀害非小 朝廷費百萬金錢修

戰艦設汛守繕甲兵練士卒無非重念邊疆餘孽一

日未靖生民一日不安此洋禁所以至再至三也無

如閩中愚頑挺而走險不畏國法不恤身家貪倍蓰

文格 卷五 五

之洋利投不赦之法網往往有父通洋殺其父而子不知改兄通洋殺其兄而弟不知俊更有全家籍沒鄉里不以為戒宗族株連戚友不以為懲惟思援結汛弁賄囑防兵俟洋船將到乘風雨霧迷借夜半昏晚或用小盪遠探盤接內地者或用大盪竟行滿載篙櫓不施潮落而出潮長而入者甚至人藏船艙不見人止見船往來無迹人傍船行脚躡水水無聲寂若無聞者汛防弁兵恣飽慾壑佯裝不知暗裏通同從前積弊不一而足今本部院任事之始姑就大槩

合先出示申飭為此示仰沿海汛防將弁兵丁并奸商人等知悉示後務各恪遵 功令別圖生理如有汛防將弁兵丁受奸商之賄賂容洋貨之潛移不行申報并奸商不速改業仍思貪漁洋利以致台灣餘蘖消息潛通者本部院不時密緝有一于此立行拏獲兵斬官叅奸商一併正法籍沒勿謂本部院兩省地廣鞭長之不及也

嚴禁武弁扣剋兵餉示

照得兵丁戍守荷戈馬戰餉每月不過二兩步戰餉每月不過一兩五錢守兵餉每月不過一兩即使按期給發分毫無扣尚恐不足以供衣帽靴鞋薪米鹽菜之費甚至有父母者止此一分糧餉有妻子者止此一分糧餉仰事俯畜更加艱難如不肖管弁借名扣剋或稱掛號有費領餉有費造冊有費奏銷有費季規有費更有借上司節令生辰餽送以及經臨名色派送下程吃食指一扣十甚有過往仕客與各衙

門差官一酒一飯一茶一菓無不扣之兵餉種種剝削難以枚舉已經本部院條議如省有布政司糧道郡有知府同知通判邑有知縣每于領餉之時會同營官當面分給取具文武官及兵丁不致扣減結狀繳查如文官瞻徇通同隱諱知情不舉或經被害兵丁告發或別有確訪真聞文武一體糾叅等因于酌議散餉之法等事一疏 題准部覆通行各省奉有依議之 旨欽遵在案但分防汛守官兵離府縣遙遠者府縣有錢糧倉庫獄囚之責既不便赴汛會散

而官兵有地方汛守之責又不便赴府赴縣會散議委佐貳首領一官前往各汛會同散給此浙省文武各官見在遵行今本部院新奉 簡命兼理閩省事務入境以來訪聞司道府縣俱不躬親會散止委一官前往委官不過收營將程儀而已多者四十八兩少者二十四兩程儀之外有酒席有下程遂爲了事一絲一文無非幾分兵餉是本部院欲杜武弁之扣剋今又增文官之扣剋除已往姑不深究外合行出示嚴禁爲此示仰閩省文武官吏兵丁人等知悉示

後凡遇散餉之時遵照本部院條議題奉 旨內事
理會同就近文官逐名唱給不許扣剋分毫至分防
汛守官兵離府縣遙遠者許委佐二或首領前往會
同該防弁散給各具不扶印給報查敢有武弁仍蹈
舊習任意指名扣剋文官扶同隱諱收領程儀戲宴
或經本部院查訪得實或有兵丁告發除將具告兵
丁收入督標入伍定將該營剝軍將弁扶同出結之
文官一併 題叅

嚴禁兵丁害民示

照得應領月餉既有禁示不許營將扣剋本部院固
不苦兵矣至于兵丁害民尤當嚴禁或安設塘撥坐
食居民或防守汛地霸佔民行或借口稽察奸宄恐
嚇烟戶勒索常例或指稱公差往來濫拉舖民挑送
行李或牧放馬匹踐食田苗或買糴米穀虧短時價
下鄉橫行有雞豚則強買雞豚有菓糖則強收菓糖
有樹木則強伐樹木甚至私囑盜賊指扳無辜良民
重利放債盤折民間兒女此皆軍紀所不貸者也若

統轄將弁知而不問問而不懲非縱兵生事必律身
有弊不能正已不敢繩人合行出示嚴禁爲此示仰
閩省督提鎮協管兵知悉示後各宜恪遵紀律一有
違犯或訪實或告發兵丁定以軍法從事將備等官
立登白簡

嚴飭衙蠹示

照得官貪多由于衙蠹何也官欲擇殷而食非衙蠹
有先入之言則閭閻之貧富安能逐一皆知官欲暮
夜受金非衙蠹有腹心之託則包裹之賄賂豈敢當
堂面交且官得其十蠹侵其半蠹敗其事官復護其
短蠹役何苦而不爲何憚而不爲從來貪官皆爲蠹
役作生涯皆爲蠹役喪名節皆爲蠹役害性命往往
不少卽官或不貪或賦性偏執或心事糊涂專聽衙
蠹言語蠹曰是官亦曰是蠹曰非官亦曰非如追糧

則比少不比多審事以有理爲無理撥差則賣富役
貧拘人則拿張累李百姓見某蠹操權畏蠹更甚于
畏官官雖一文不取而蠹役成百盈千者亦復不少
要知官左右得意之人皆萬民含怨之人合行出示
嚴飭爲此示仰閩省官吏及衙役人等知悉示後各
宜奉公守法敢有指官詐騙瞞官作弊者一經訪拿
按贓追設照新例分別斬絞流徙並將該管官以縱
蠹題叅

酌議催徵之法示

照得催徵錢糧關係軍需民瘼有司祇顧考成徒事
敲朴而新逋積欠終不能完此非催徵之不力必徵
之未得其法也今本部院探各屬之輿論合道理之
見聞酌議催徵之法數條開列于後

計開

一各縣坐差一項初意不過令其催納錢糧拘此圖
之欠戶也乃相沿日久爲害最深遇開比則有常
例遇秋夏則有成規平日索詐千端科派萬狀不

可枚舉及至比期刁民既不敢帶比富戶又從而
賄之所帶比者非欠少之小戶卽不欠之蠢民陋
規不遂從傍抵誣縣官午夢未覺一概重施敲朴
百姓含冤莫訴甚且包攬里長侵蝕錢糧小民以
此差爲長久之差恐遭其毒手雖身受其害而不
敢破其奸是坐差萬不能催豪頑之糧而大爲良
善之害不可不急爲議革倘謂革去坐差欠戶不
來何以拘比全在縣官立法每月立定期某日
比某圖雖風雨不易至期如欠戶來比及雖不赴

比而糧完如限者不計外查有真正欠戶抗比者
縣官於當堂手書硃票責令里長拘比再不來嚴
批再抗重處若終不來是抗法矣然後差拿重責
處一儆百仍察本欠戶果係出外求食及拘到糧
完者亦從寬免究惟里長不到卽行差拿亦止拿
人不令催糧拘比之下仍細詢本差有無索詐情
弊百姓既不畏本差又何憚而不直言行之久而
里長卽可以行坐差之實且得免坐差之擾錢糧
旣可以完卽不完而亦無不赴比者是坐差之首

政略 卷五
先宜革也示後敢有坐差仍立以及更名坐催總
催保戶各項名色或經訪聞或被告發定行嚴拿
重處

一如官收一項夫官收者人戶或絕或逃田地係佃
戶耕種官收以供錢糧者也而其弊有不可勝言
者如某圖逃絕若干因無本戶錢糧俱令衙役收
租衙役欲謀官收之差非求情卽乞恩凡書門皂
快皆得與焉計一歲之租以十分爲率佃戶拖欠
三分經收之衙役侵用五分到官者不及二分在

佃戶因自己尚欠誰敢指証衙役之侵在衙役因
侵用過多亦不敢復問佃戶之欠有司若不肖方
且從中染指總不察其底裏卽自惜身名之吏又
若上下朦蔽無從稽查日復一日見在之人戶欲
爲拖糧之計亦且賄賂經承混入官收積弊旣深
竟成牢不可破之局蠹糧之大弊無有甚於此者
本部院以爲欲破此弊在禁絕官收查某圖逃絕
若干某佃戶種若干卽以佃戶的名註入徵糧之
冊挨圖順甲與見在之花戶等止令完糧不令納

租仍以本里長領之凡遇比期俱着佃戶親身完糧聽比如此則佃戶無累錢糧盡可完永絕衙蠹侵蝕之弊矣示後如該縣有官收田地止令佃戶完糧不必再立納租名色倘有衙役仍前借名官收蝕侵滋弊以及縣官狗庇不查通共染指者訪出定行一併叅究

一如縣官下鄉徵比夫下鄉追比者惑於左右之言故也縣官初入仕途安能盡曉土俗民情左右之人欲爲自利之計遂衆口一詞曰某鄉遠民情刁

差人拿不來非官去親比不完縣官急於完糧不及細察一旦下鄉凡書門皂快不言錢糧先索常例有兜船錢有飯供錢有班裏錢有開比錢各厭所欲始行開比及至此鄉打點又赴彼鄉是錢糧尚未完而百姓已耗去如許矣兼且顧此失彼下東鄉則西鄉可以不完下南鄉則北鄉可以不納縣官東奔西馳徒爲民害而錢糧之逋欠如故也本部院以爲縣官誠能潔已愛民徵比有方完欠清楚號令肅然百姓雖刁獨不畏法乎總之縣官

無不可催之欠戶實馭之無道也此下鄉之斷斷
宜禁也示後敢有縣官不遵示禁仍前下鄉徵糧
叢奸滋弊者定以白簡從事

一如縣官委佐二徵比夫佐二官既無錢糧考成亦
不知錢糧頭緒在賢者猶完欠不辨敲朴失當不
肖者不過受里長幾封陋規卽了一番徵比之事
是無益於徵輸實有損於百姓也所以委佐二下
鄉其害更甚於縣官若縣官偶因他事公冗或一
時抱恙寧寬一比期以裕民力可耳而輕委滋擾

萬萬不可示後敢有仍蹈前轍定將濫委之縣官
下鄉之佐二一併從重 題叅

一如衙役下鄉收糧夫衙役下鄉收糧衙役之騙局
也若輩一至鄉下如狼如虎百姓畏之較官尤甚
初至則索詐常例收銀則重加等頭殺雞沽酒無
所不至一不厭欲卽從而中傷其害與坐差等至
於所收之糧又大半侵蝕卽精明之官一經發覺
非假死則在逃正項之額旣不可缺若重問之百
姓 功令實所不容窮民何以堪此本部院以爲

凡關係錢糧總不假衙役之手則若輩無所容其
奸矣示後敢有陽奉陰違仍前差役下鄉索詐里
通侵用錢糧者或訪出或告發官以縱役題參
差役立拿處死

一如此糧監追百姓貧富不等欲求囊中有現錢者
百不得一或設法典貸或往來貿易或糶賣穀帛
或湊變雞豚或代人肩挑或盡力耕耘計終歲之
勤動尚有難於完糧者一旦監禁已坐死地欲求
完糧萬萬不能甚而無人送飯有死於饑者時當

寒暑有死於病者既爲民牧此心何心若謂恐其
脫逃何若使民不敢逃使民不肯逃示後敢有真
正頑戶抗糧者止許取保候納斷不許濫監斃民
如有故違經本部院訪出定行特疏指叅

一如酷刑比糧夫民雖至刁豈盡有錢不完以父母
之遺體甘心捶楚而不辭者乃有縣官不察以一
時考成之急怒氣填胸動用酷刑雖立斃之杖下
而不恤嗟此窮黎日日皮開肉綻救死不暇原非
有餘力而不肯辦糧要知不在用刑之酷而在立

法之善立法果善雖二指濶四五板皆可以治頑
戶不獨可以治良民至老幼殘疾尤當從寬使百
姓不苦於官刑而惕然於官法既能完糧又可積
德示後爲民父母者自當時時提醒必期寓撫字
於催科敢酷刑厲民者明有國法幽有鬼神自
取罪戾後悔莫及

一如富戶與貧戶一體徵比夫一縣之中約略計之
富戶十之二中戶十之三貧戶十之五若一槩徵
比在富戶固有餘中戶亦免應貧戶力不能支非

賣妻鬻子卽借貸免刑比及收成之日以之充債
主之本利而猶不足錢糧究未嘗全完而一年之
衣食總歸烏有無怪乎流離困苦轉徙他鄉賦額
愈虧也縣官若能究心於此徵比之下察其果係
貧戶或責令陸續上納或諭令設法全完至於十
分貧窮之戶亦必多方勸諭求一完糧之法不得
徒事朴責如此則錢糧易完民食亦足安知此日
之貧戶不可爲將來之富戶中戶哉示後司民牧
者務宜撫恤休養倘有不顧民瘼者徒施朴責致

使民逃田荒有虧額賦者難免叅處

一如新舊兼比夫百姓之有舊欠必貧戶也去年完一年之錢糧而不足今年完兩年之錢糧而有餘必無是理若使一時並徵民力旣艱勢必新舊俱逋敲朴何益示後雖不能用一緩二或於今月先徵新糧則緩比舊欠或於次月徵比舊欠則寬比新糧庶百姓不受並徵之苦旣易於爲力新舊俱可全完倘不分新舊一例濶比致使新糧不完宿逋如故定以催徵無術 題叅

一如单比里長夫里長者不過一里之長爲錢糧之領袖究竟欠糧者花戶也縣官若圖省事单比值年里長在良善之戶里長尚能催完在頑猾之戶里長必不能催縱斃里長于杖下而欠戶膜不關心示後某甲欠卽比某甲某戶欠卽比某戶其里長止令拘拿欠戶清算完欠敢有不遵示禁仍前单比里長以致完欠不清散戶規避者訪出定行查叅

一如割串一項官印一单如今之連環批從中鈐印

付之收糧吏于收糧之時除登記流水簿外仍將收銀填於前單之上兩處皆同然後割開半存官查半付百姓收照謂之割串立法之意未嘗不善不謂法久弊生遂成侵欺之地收糧吏於收糧之時如百姓納銀一兩填付百姓收照之串實係一兩而填存官稽查之串止係一錢登之流水簿內亦止係一錢此昏庸之官不對簿不查串之弊也又有一等縣官於臨比之時止對串單則兩串固不敢互異填之串內者俱係一兩而填之流水簿

內原止一錢此止對串單不對流水簿之弊也以一二弊是竟以一錢入官之櫃九錢入蠹之橐矣在百姓止憑收照之串徵比之際且可執串作完自不用細查比及拆封在官又單憑流水簿遂致比時完數多而拆封完數少遇有查出又以差錯支吾是欠糧之故在地方之窮困固多而在經承之侵蝕正復不少示後縣官務必細心稽察如徵糧之日早堂發官串若干付之收糧吏卽自登一簿存查午堂收糧已完且未卽比先將本日所發

官串填過若干未填若干令經承明白開寫一同流水簿繳進縣官從頭查對無錯然後將未填之串存署待次日再發已填者帶至公堂凡比一戶將百姓之串與官存之串逐一對同入簿作完仍於串上註一某日比過字樣遇有經承作弊或官串與民串不同或兩串與流水簿不同該縣立將舞弊經承痛懲革役倘縣官庸惰不查或雖經查出姑容不究定行官叅役處

一 如漏畝一項漏畝者收除不清與派徵不明之故也通縣田畝若干每畝額徵若干自有一定之數如有遺漏非額徵缺數卽每畝加糧此猶易查惟是遇閏有加顏料蠟茶之時價有加各年之額既不同各年之派徵亦不同刁民通同總書藉口過戶遂至此戶之田地既除而彼戶之田地未收田地千頭萬緒官止一人安能逐一磨對刁民得田而通縣賠糧此百年難破之積弊也必乘丈量之後及時清楚計通縣之田地山塘共若干某圖坐若干某甲坐若干清造底冊一樣二本一存總書

一存官署非奉官批不得收除於派徵之際仍計通縣之田畝若干額徵若干加閏若干每畝應派若干每丁應派若干某圖若干某甲若干某戶若干必於底冊相符然後定爲比簿用印鈐蓋按之徵糧其存署底簿於交代之際卽手付後官以杜經承改換則地旣不能游移不獨可以清遺漏而飛洒詭寄之弊皆絕矣示後如有縣官任憑積奸總書移張換李私自收除不查田地遺漏不清詭寄飛洒因循錮弊者或經訪出或有告發定將舞

弊蠹書隱漏奸戶按律治罪縣官以昏庸指叅

一如包比一項夫包比者以絕不相干之人包攬爲人代比也有等劣衿棍徒不事生業聳動鄉下愚民甚言比較利害愚民墮其術中便講包比計一歲之費可完一二歲之糧又且侵蝕花費支吾閃避仍然累及本人以愚民之膏血徒飽奸棍之腹可不痛恨示後縣官誠能曉諭於未比之先詳察於開比之始一經發覺卽通申重究兼且撫綏告誡使百姓知徵比之不足畏而包比之必不可爲

則此害絕矣敢有愍不畏死之徒仍前包里滋弊者許縣官立拿申究定行斃之杖下

一如朋名共戶如一戶之田趙甲田地若干錢乙田地若干卽名其戶田趙錢臨比之時問趙甲則曰錢乙欠糧而不來拘錢乙則曰趙甲不完而混稟卽一齊拘到則又彼此支吾若一概責治保無冤抑若徹底審究則終日比此一二戶又奚暇及其餘哉要知欲除共戶先除朋名每有一戶必有一人的名如係兩人之田雖少及分釐亦使另爲一

戶若一戶隱匿不肯分晰既有的名卽于本名追完不復問及他人若一推諉卽治以不行晰戶之罪至于有合族祭田墳田雖曰公物實係各人認糧查某人應認若干卽入其戶完糧以杜混襍如此則人戶旣清錢糧不獨易比而且易完矣示後凡有朋戶必清查分晰務使有呼必應催徵易完倘朦溷不清錢糧拖欠自干叅處

以上各條皆本部院叅之輿論合之見聞雖兩浙七十六州縣八閩五十八州縣風俗民情或有不

同催徵法則或有未一然撫字催科不外乎此示
後凡有徵糧之責者利必宜興害必宜除衙蠹必
宜釐剔百姓必宜撫綏遵照各條實力舉行自爲
成效如有沿習陋弊陽奉陰違以本部院之示爲
掛壁空談養蠹厲民催徵無術者白簡具在斷不
食言特示

鬻妻批

誰無夫妻誰無母子生離死別誰不傷心誰不墮淚
雲南婦女十分已去其三今再賣不休勢必至于有
男無女更可笑者有等下賤女人樂于適人不念夫
情不戀子女尤可恨者媒人唆調滅絕天理代書下
筆拆婚至于見色起心雖兵馬倥傯之際無暇于論
抑聞我不淫人婦人不淫我妻之報應乎

拖告批

孟聖學不安本分妄思阪造橋梁夫石橋創自前人相形勢度河港非四通八達必便商宜民且橋以石成費工糜財不知竭幾許苦心勞多少人力卽年遠日久倒壞病涉亦當遵舊基而修整之何必改作其改作者若非陰謀風水必係不便于已而爲之也馮梅孟義等以圖霸具詞固屬荒唐但二人罪不至死三日之內連斃兩命雖身蹈官刑無有抵償之例然致此二命而死者果誰使之也及馮任氏具控到本

部院理宜出頭質審乃聽信光棍賄買夥黨久不出審被告此訴此告彼訴無了無休意者原告指命而詐索耶抑或被告賄買黨棍希圖免刑而求勝耶今經本部院當堂研審孟聖學富而不仁責治三十板行學道黜名孟稱舜馮捷抱告雖真窺其一事拖告四五處衙門必有情弊今亦各責十板並行學道黜名仍于孟聖學名下追銀二百兩以一百兩給馮任氏一百兩給孟義家屬各收明以爲埋葬修薦之資論此案本該 題叅姑念事在 赦前免究發兩造

仍各將本部院批案抄謄具稟各有司衙門一併請
銷如本部院斷後孟全仁孟聖學恃財仍起訟端定
將孟全仁孟聖學依律究罪孟稱舜馮任氏借命再
起訟端一併依律究罪至于從中光棍再加確訪將
來拿到通衢定一百棍打死除民之蠹所謂興一利
必要除一害也仰按察司抄批出示仍將本部院前
批各詞卽日粘連註銷不得再拖累繳

淫毒批

一夫兩婦者有之未聞有一婦兩夫者也王學成典
妻縱姦蕭氏寡廉鮮恥淫因貧逼醜態固不堪言何
物汪梅始以利誘學成與其妻彼此交密雖情非一
日然不過竊玉分香終不可以秦樓婦爲金屋嬌也
卽蕭氏棄舊迎新水性墻花何足久戀乃不遂獨淫
輒白晝持刀刺傷頭目以致蕭氏面破血流幾不保
生兇哉梅手何其淫而毒也論情徒不蔽辜依律姑
准減等王學成縱妻濫淫薄責不枉蕭氏逢人爲夫

禍亦有由所斷米藥如數查給候辜限滿日發落繳

...

...

...

...

...

...

...

...

...

...

...

僉甲批

如謂運丁從無此例不便輕比快丁輸納試思僉一

甲則累一家均係

朝廷赤子夫何不忍于衆人之均輕而偏忍于一人之

獨重乎合衛通幫是蓋運戶歡心願出較之黃快各

丁之輸納猶易易也

...

...

...

...

求賑批

披閱全紙詞語高潔意念超遠筆匪秋而垂露文異水而湧泉數行清新一篇俊逸遭遇富家大賈之售主雖千金亦可買也况區區八口之計乎本生仍磨勵長才急圖上進小就非本部院所願俟有提拔再當酌議權赴北新關於本部院貯米所在支白米伍石聊爲釜庾之一助云

匿名批

餘准存案候密訪果寔次第舉行本部院極虛心採益談時政等如果親赴本部院投見更得面問端的不然指某某爲蠹役不得情事不知真假萬一行法重處快輿情則得之矣若爲人洩私忿是本部院又墮術中矣

告賑批

計告賑呈詞一百廿五張應賑之人不啻數千餘名方
今軍餉告匱庫帑如洗原無此項銀兩卽本部院連
年勉強發過寧台溫三府賑貸銀六千餘兩皆剗一
已之肉醫百姓之瘡究竟瘡不能醫而肉已苦矣若
求之者無厭應之者不繼致使遠近窮民匍匐來省
往返道路必有求賑不得忍饑受餓因而喪命者此
又本部院以善心而行惡事者也批後各去務業不
必再在此處守候

匿名批

遍閱各詞內有條陳有理者內有專指某官貪某官
酷某官縱蠹言之鑿鑿覽一段激切悲苦可爲痛哭
閱一段謾罵譏諷又可大笑豈天理不在人心官斯
土者竟有藐 王章等如弁髦者耶竟有欺鬼神不
顧雷電者耶抑以告者太過也但本部院提綱挈領
遇有大貪大酷必立行叅拿倘或因一事不遂一士
一民之願遞一匿名卽叅一官弁不審是非不查虛
實萬一行不可挽之法祇爲讐恨者報私怨竊恐人

人自危也總之匿名之中亦未必盡係誑言但不出名以告欲本部院作原告欲本部院作中証欲本部院審無對頭之詞欲本部院參無憑據之欵是本部院日事碌碌而傍觀者反爲笑談矣如果某官不好某役可惡自當直書真名出身對質若泛泛言是非立身于利害禍福之外雖千百其詞本部院惟有擇其有關民生者行之餘俱赴之灰燼而已

誣告批

保官呈詞計四十六張果一路無哭有龔黃又有卓魯耶既有保官之士民何以又有謫官之士民既說官好何以又說官不好果說好者皆賄囑說不好者皆讐怨也本部院所不解也總之官之賢否本部院自有甄別役之蠹惡本部院自有採訪保官告官均非公道這四十六張俱不准行

